



Bosnia and Herzegovina  
Federation of Bosnia and Herzegovina

**CANTON SARAJEVO**  
**Government**

Broj: 02-05-29250-1/19  
Sarajevo, 24.07.2019. godine

**PREDSJEDAVAJUĆI SKUPŠTINE KANTONA SARAJEVO**  
**ZASTUPNICIMA SKUPŠTINE KANTONA SARAJEVO**

**PREDMET:** Amandmani Vlade Kantona Sarajevo na Prijedlog odluke o vršenju ovlaštenja u privrednim društvima sa učešćem državnog kapitala iz nadležnosti Kantona Sarajevo

Shodno odredbama člana 152. Poslovnika Skupštine Kantona Sarajevo („Službene novine Kantona Sarajevo“, broj: 41/12 - Drugi novi prečišćeni tekst i broj: 15/13, 47/13, 47/15 i 48/16), Vlada Kantona Sarajevo na **39. vanrednoj** sjednici održanoj **24.07.2019.** godine, utvrdila je i podnosi slijedeće:

**AMANDMAN I**

U članu 2. Prijedloga odluke o vršenju ovlaštenja u privrednim društvima sa učešćem državnog kapitala iz nadležnosti Kantona Sarajevo, stav (2) mijenja se i glasi:

“(2) Vlada Kantona će, na prijedlog resornog ministra, ovlastiti punomoćnika/e koji će u ime i za račun Vlade Kantona vršiti ovlaštenja skupštine javnog preduzeća, te utvrditi način izbora punomoćnika.”.

**Образложење**

Navedenom izmjenom propisuje se obaveza Vlade Kantona da ovlasti punomoćnika/e kao i da utvrdi način izbora punomoćnika.

**AMANDMAN II**

U članu 2. Prijedloga odluke o vršenju ovlaštenja u privrednim društvima sa učešćem državnog kapitala iz nadležnosti Kantona Sarajevo, stav (7) mijenja se i glasi:

“(7) Vlada, vlastitom odlukom ili na zahtjev Skupštine Kantona Sarajevo može opozvati punomoć ili umjesto već date punomoći dati novu punomoć najkasnije do održavanja skupštine.”.

**Образложење**

Navedenom izmjenom stava (7) člana 2. Prijedloga odluke propisuje se da Vlada Kantona može vlastitom odlukom ali i na zahtjev Skupštine Kantona Sarajevo, opozvati punomoć ili umjesto već date punomoći dati novu.

## AMANDMAN III

U članu 3. Prijedloga odluke, dodaje se novi stav (2) koji glasi:

“(2) Pored navedenih općih uslova iz stava (1) ovog člana, za punomoćnika može biti imenovano lice koje ispunjava i sljedeće posebne uslove:

- a) da ima visoku stručnu spremu VII stepena, odnosno visoko obrazovanje prvog ili drugog ili trećeg ciklusa Bolonjskog sistema studiranja,
- b) da ima višegodišnje iskustvo u radu,
- c) da posjeduje znanja i sposobnosti razumijevanja poslovnih izvještaja i poznavanje propisa koji se primjenjuju na rad i poslovanje kantonalnih javnih preduzeća,
- d) da posjeduje sposobnost za savjesno, odlučno i odgovorno obavljanje povjerene funkcije,
- e) da posjeduje sposobnost nepristrasnog donošenja odluka,
- f) da je naklonjen timskom radu,
- g) da ima pozitivne rezultate rada ostvarene tokom karijere,
- h) da nema privatni finansijski interes u preduzeću,
- i) da nije direktor ili član uprave ili nadzornog odbora u preduzeću u koje se kandiduje,
- j) da nije član upravnog ili nadzornog odbora u drugom preduzeću ili instituciji.”.

### Obrazloženje

Dopunama ovog člana Vlada Kantona Sarajevo propisuje i posebne uslove koje lica moraju ispunjavati da bi mogli biti imenovani za punomoćnika.

**P R E M I J E R**

**Edin Forto**

Dostaviti:

1. Predsjedavajući Skupštine Kantona Sarajevo
2. Skupština Kantona Sarajevo
3. Zamjenicima predsjedavajućeg Skupštine Kantona Sarajevo 3x
4. Sekretar Skupštine Kantona Sarajevo
5. Premijer Kantona Sarajevo
6. Ministarstvo komunalne perivrede i infrastrukture
7. Evidencija
8. A r h i v a



web: <http://vlada.ks.gov.ba>  
e-mail: [vlada@vlada.ks.gov.ba](mailto:vlada@vlada.ks.gov.ba)  
Tel: + 387(0)33 562-068, 562-070  
Fax: + 387(0)33 562-211  
Sarajevo, Reisa Džemaludina Čauševića

